



Jumat, 03 Desember 2021
Ogen: Esekiel 20:33-44



Olanai Icemarkenndu GelarKu



Tuhan e Badia, janah sura-suraNa kerina min bangsaNa e badia. Seumpama kin kertas mentar ndai la lit melketna sitik pe. Emaka lalap kal ipersingetiNa bangsaNa gelah mulihken man banNa, Sabap Tuhan ngenca ngasup erbahan bangsaNa e jadi badia. Situhuna Bangsa Israel lalap erbahan gelar Tuhan e tercemar alu erbahan gana-gana sembahenna, tole nari isembahna ka berhala si isembah bangsa si deban. Tempa Dibata e la megegeh, tempa belinen kuasa ras gegeh berhala-berhala bangsa si deban. Tupung ipajuhna berhala-berhala e situhuna lit pengakunna maka Dibata Israel e la megegeh. Erkiteken si e bangsa si deban pe nokoh ras megombang man Dibata si isembah kalak Israel. Hebaten berhalana e seh maka kalak Israel pe reh ku je nembahsa. Bagem perbahenen kalak Israel si erbahansa tercemar gelar Tuhan. Labo sinik Tuhan ngidah perbahenen bangsaNa e. Meser perbahenen Tuhan man bana kerina, idabuhkanNa ukumen alu namaken bangsa e ku gurun pasir bangsa-bangsa. E necidahkan kiniseran si mesangat, melas ras la turah kai pe, tempa lanai lit je kegeluhen. Sura-sura Dibata gelah bangsa e nggejapken Kuasa Tuhan lebihen asa kuasa berhala-berhala si isembah bangsa isekelewetna. I tengah-tengah bangsa Israel, ipedarat Tuhan kerina kalak pemberontak, la ipediatna nari mulih ku negri Israel. Tading me bangsa Israel si patuh, si nggit megiken kata Tuhan. Bage me prosesna Tuhan mpebadiaken bangsaNa. Man si engo badia nina Tuhan, ulanai cemarkenndu gelarKu alu mulihken nembah gana-gana. Tuhan e melias ras dem ate keleng. Iukumna pe kita ban keleng ateNa gelah kita mulihken man baNa. Kalak si enggo ngaloken perkuah ateNa min tetap njaga kebadian diri; perukuren, lagu langkah ras perbahenen e tetap badia. Sekali ras Tuhan, rasa lalap ras Tuhan.



"kebadian diri teridah arah perukuren ras lagu langkah"